

Historia Scholarum

Paedag: 732.

Wratislaviense gymnasium: Elisabeth.


113724 *last komp.*

I Mag. St. Dr.

Fechneri Joh. Oriens ex alto Jesus

Christus est. 1650.







Q. D. B. V.  
ORIENS EX ALTO  
JESUS CHRISTUS,  
QUI SALUTARI LUMINE  
OMNES GENTES  
VISITAVIT,

AB ADOLESCENTIBUS NONNULLIS  
IN GYMNASIO ELISABETANO

VI. CALEND. FEBRUARII  
HORIS AB VIII. MATUT.  
CELEBRANDUS,

DUCTU

M. JOHANNIS FECHNERI.

---

VRATISLAVIÆ,  
Typis Hæredum BAUMANNI  
cdo lœc L.



O. D. N.

ON THE 22ND

JESUS CHRISTUS

QUI SUI PATRI LUMINE

ON THE 22ND

ANNO DOMINI 1570

VI. CA. 1570

113724

I  
br.

M. JONATHAN T. JONATHAN

RECEIVED  
T. JONATHAN T. JONATHAN  
1570





**Lectoribus Benevolis**  
**Gaudere & Bene-rem-gerere.**

**E**ffe quid hoc dicam? Circum Sol aureus  
arctum  
Deserit, & statione Noti regressus ab  
ima

Altius urget equos. Num Christus prodit in Orbem  
Lucifator, peplum noctis qui summo vet atræ,  
Extenditq; diem? Certè Sol nuper inertes  
Lumine vix crepero despexit ab æthere terras,  
Obliquum dum mensus iter subtraxit amicam  
Penè diem nobis, & plenæ lucis honorem.  
Clarius exactâ caligine rideat aër  
Candidus, applaudat tellus gratantibus astris:  
Panditur en iterum domus omnipotentis Olympi,  
Titanig; novum Janus cum mitibus Horis  
Laxat iter; furvas sed nox nigra contrahit umbras.

Exorere, exorere, ô promissum gentibus olim  
Lumen, & illustra radiis cælestibus Orbem,  
Deformes pago quem præcinxere tenebræ.  
Tempus adest latum, quod primo major Eo  
Irradiat splendore novo nova stella Jacobi.  
Quisquis Iustitiæ Solem tibi poscis oriri  
Tanaria Mundi septus caligine, sursum

In



In Cælum vultus tolle: spectare licebit  
Illic aternæ lucis prælustre sigillum.  
Phosphorus ecce novus, cuius radiatile lumen  
Insigni vincit stellam fulgore diurnam,  
Nunciat auroræ populis in Perside terra  
Apparere DEUM carnis sub tegmine Christum.  
Non hoc obscuris inseruit noctibus astrum,  
Nec vaga cornigeræ sequitur vestigia Phœbes:  
Sed cursum plenâ moderatur luce dierum,  
Prodere divino lumen de lumine natum.  
Quamvis Oceanum metuens descendere in æquor  
Non obeat septem sidus glaciale trionum:  
Caligante tamen nuptum plerumq; calyptrâ  
Sub nimbis latitat: manet assiduq; manebit.  
Signifer hic Christi, tenebris neq; mergitur ullis,  
Nec tristi involvit nubis ferrugine lucem.  
Occidat Hydra nocens, & si quæ stella maligno  
Adspectu gravis est. Non afflet Sirius Orbi  
Occultam pestem, dirum nec gentibus omen.  
Ostendet cælo barbâ rutilante Cometes.  
En etiam claro paret manifesta sereno,  
Et defecato procedit in æthere stella  
Christi, terrænæ quæ noctis lustrat abyssum.  
Hujus ad exortum pallet discinctus Orion,  
Disparet Pollux, Nautis Arcturus iniquus  
Conditur, obtusum non audet tollere cornu  
Taurus, nec profert stellatam Scorpio caudam.  
Hinc fugit Alcides, fugit inde Sagittifer ardens,

Deser-



Desertâq; Poli decedit Jupiter aula,  
Nec Luna tantum ciues noctisq; coloni  
Diffugiunt cælo majori luce repulsi;  
Ipsa facem mirata novam Matuta micare,  
Jam redeunte die, rutilo neq; cedere Phæbo,  
Hareret, & exspectat Phaëtontis pallida casum.  
Vidit Achæmenia procul in regione Magorum  
Naturæ consulta cohors prodire serenum  
Christi vexillum, & cælo radiare diurno,  
Vidit & ; Ille quis est, exclamat, Rector Olympi,  
Sidera cui parent, cui lux famulatur & æthra:  
Cernimus eximium decus, & venerabile nasci,  
Quod sine principio nullis damnabitur ævi  
Noctibus, ante Chaos quod splenduit, ante creatos  
Axes cælorum, cum nil extaret eorum,  
Quæ nunc lativio complectitur Orbis in orbe.  
Scilicet hic ille est promissus gentibus Heros,  
Hic ille est populi Rex & dominator Hebræi.  
Nec mora cælesti perculsi pectora flatu  
Ingrediuntur iter certi perquirere cunas  
Infantis Domini, & quâ sulcum stella coruscum  
Traxerat, ac liquido signârat in aëre callem,  
Hac illi cursu properante sequuntur ovantes.  
Sed tandem dux ille viæ & diviniior Hermes  
Substitit, & pronâ face supra verticem Hebræi  
Suspensus pueri Regem indigitavit Jesum.  
Quod postquam vidit, Magus exultavit Eous,  
Lancibus & plenis Aurum, Tus, Myrrhea dona



In gremium Mariae pannis puerilibus offert.  
Scilicet his donis Regemq; Hominemq; Deumq;  
Signa vere Magi. Regem denunciat Auri  
Splendida massa, DEUM generosi Turis acerra;  
Myrrheus aſt pulvis tumultandi eſt corporis index.

O ter felices animas, quæ talia primum  
Noſſe datum, & diui ſpeculari luminis ortus,  
Ingentes etiam radios quod ſpargit amicos!  
Jam præter morem clamatur; Adeſte profani,  
Et ſpectate recens-nati myſteria Chriſti.  
Nullus enim, qui vos excludat, fanitor obſtat.  
Ire, redire licet per aperta ſacraria, viſat  
Communem ad Regem recutitis mixtus Hebræis  
Ethnicus. En fulget paſſim rudibusq; ſophisq;  
Lux Domini, Solis quæ replet utrumq; cubile.  
Paſtor nuper iners inter veterina jacentem  
Jumenta agnovit prolem felicitis Olympi,  
Sotereſq; novum Mundi: nunc Natio docta,  
Et Magus interpres cœli noſcitq; colitq;  
Virginis innupto pendentem ex ubere Jeſum,  
In cujus regno nullum diſcrimen habetur.  
Paganus Verpus ve ſuat, doctus ve rudis ve,  
Acceptus Regi noſtro eſt, qui venit in orbem,  
Quærere mortales, quos avius abſtulit error,  
Et gentes Evangelii luſtrare lucernâ.  
Hic populi Rex Judaici, qui germine ſurgit  
Jeſæo, regnum ſceptri virtute potentis  
Protollit terras longè latèq; per omnes,

*Fungit*



*Jungit & Hesperias Orientis finibus oras.*

*Audit ut Herodes, hunc natum in luminis auras,  
Horret, & Eumenidum furiali percitus æstro  
Exclamat: Succesor adest; Puer iste paterno  
Nos deturbabit regno. Rape protinus ense.  
Miles, & infantum cunas, age, sanguine inunda.  
Sic fieri jubeo. Masbimulus occidat omnis.  
Nutricum scrutare sinus, & ab utere matris  
Direptos tenero pueros transfige pusillos.  
Est suspecta novo Bethlem mihi perfida partu,  
Subdola ne fors anstruat infantaria fraudem,  
Addictamq; neci subducatur callida prolem.  
Ergo tortor atrox stricto mucrone domatim  
Ad cædem raptat nuper corpuscula fusa  
In lucem, fœtusq; mares, animasq; novellas  
Cuspide rimatur sævâ. Vix sic minutis  
Invenit in membris, ubi certum merferit ictum.  
O dirum facinus! Licet omnia sœrmata volvas,  
Tale necis monstrum nusquam reperire licebit.  
Non sic ad crudas Læstrigon sæviit aras,  
Non Siculus Cyclops. Crudelis cœna Thyestæ  
Mitior hac cæde est. Saxi illi sœ tenella  
Cervix permixtum fervente cruore cerebrum  
Dispergit, patulumq; vomit per vulnus ocellos  
Afflictim elisos; puteis vel mergitur altis  
Pusio, cui subter præclusis faucibus unda,  
Intimus & pressi singultat anhelitus oris.  
At vos martyrii flores, salvete, novelli,*

*Hostis*



Hostis atrox Christi quos ipso in limine vitæ,  
 Decutit, ut primas Austrinus turbo rosellas.  
 Hostia nascentis vos primula Salvatoris,  
 Et grex innocuus Christi pro nomine cæsus,  
 Palmis & sertis ante ipsas luditis aras.  
 Quid tamen Herodes truculento proficit ausu?  
 Quid crimen iuvat infandum patrassè? Tot inter  
 Funera cæsum lamienam impune cruentam,  
 Effugit, adq; necem quæsitus virginis infans  
 Ferrum carnificis solus ferale fefellit,  
 E patriâ Pharios concedens exul in agros.  
 Quid fremit Herodes, quid consternatur Apella?  
 Eripiet nulli sceptrum Rex ille pusillus,  
 Nec regnum mortale (metum depone) capesit,  
 Imperium struet æternum, quod nulla potestas  
 Destruet. Ipse licet vires contraxerit omnes  
 Orcus; non poterit solium convellere Christi.  
 Subiectum ille reget patriis virtutibus orbem,  
 Et premet imposito dejectos calce Tyrannos,  
 Unctum qui Domini furiosâ mente lacesunt.  
 Exulta Sion: Promissus prodiit Heros  
 Jeshidæ Vati, qui bis sex stemmata fratrum  
 Æternis reget Imperiis intermina condens  
 Secla. Palæstina concludi finibus arctis  
 Nescit: sed toti Mundo dominatur ubiq;  
 Gentes, quæ pridem lignum larvæ colebant,  
 Fictilium sventæ genua incerare Deorum,  
 Ante pedes Jesu sese prosternere gaudent,

Fanisq;



Fanisq; excitæ cœlesti voce profanis,  
Collaudant verum Judæ cum congrege Numen.  
Lux Evangelii cunctas penetravit in oras  
Terrarum, & quicquid populorum spectat ab axe  
Sol oculus Mundi, Dominum veneratur Jesum.  
Servit Arabs Christo, servit cum Scribis Indus,  
Thrax servit, servit Caspi vagus accola Pontus,  
Servit Roma potens, cum Græco servit Iberus,  
Allmanusq; ferox. Luco pagosq; relictis  
Festinant omnes ad cunas Regis Jesu,  
Virginis & prolem subnixo poplite adorant.  
Vox diversa sonat populorum, hæc vox tamen una.  
Salvator nobis datus est, natusq; Redemptor.

Aspicis ob Christum lætentur ut omnia natum.  
Ipsa parens rerum posito squalore veterum.  
Exiit informem natura decusq; novellum.  
Assumpsit, Mundi cum virgo puerpera Lucem  
Prodidit in lucem. Visa est cum luce renata,  
Tum Borealis hiems vernam cepisse Juventam.  
Et Maji faciem Fano mirante biformi.  
Tellurum sparsisse ferunt rus omne benignis  
Floribus & Nardo fragrasse & Nectare Syrrer  
Maurorum. Sic te nascentem, Pusio Jesu,  
Passim senserunt, & dura & barbara quævis.

Ergo Redemptori cum plaudant omnia Christo,  
Fas erit atq; pium, pubes ut nostra Camenis  
Consecrata bonis calamo & sermone celebret  
Hunc Salvatorem Mundi, sanctumq; Mesiten:

Quod



Quod sanè faciet cras indulgente Jehova,  
Et dicet lumen, quod cunctis gentibus ortum.  
Vos verò Breslae Proceres, & lumina clara  
Urbis, vos Musæ certi celebresq; Patroni:  
Quos vel Cera vetus, vel Cœli nuncia Suada,  
Vel Legum consulta Themis, vel Hygea salubris,  
Vel Sophie melior, vel Virtus adserit astris;  
Vos, inquam, venit oratum submissa papyrus,  
Ut, si non prohibent graviora negotia, prompti  
Lustretis nostrum præsentī luce Lyceum,  
Non dedignati Scholicā considerare in umbra.  
Nam cupit à vestro splendore capefcere lucem,  
Calliope, & gaudet doctisq; bonisq; probari.  
Sic vos luce suā cœlestis gratia semper  
Visitet, incolumes sic vos conservet Jhesus,  
Qui solus vitæ fons est & origo salutis.

P. P. 7. Calend. Febr.



## Series.

Cum superioribus diebus Prudentii Poëtæ Christianissimi, quem Scholis piis meritò familiarior rem esse exoptat magnus ille Erasmus Roterodamus, Hymnum in Natalem Domini scriptum, publicè explanassem, placebat ductu illius, uti & alterius ejusdem Poëtæ in Epiphania, Actum quendam Oratorium adornare. Sed mora quædam præter expectationem objecta differre coëgit hanc operam. Veniam itaq; dabit benignus Lector & Auditor, si quædam hic ipsi post Festum, ut pervulgatum habet adagium, fieri à nobis videbuntur. Quanquam salutarem Christi Redemptoris exortum celebrare nunquam sit intempestivum. Neq; dum Ecclesia desit eundem publicè meditari & deprædicare, quæ Festo Luminarium, ut vocant, instanti, cum venerando Simeone canet & extollet Lumen illud datum in revelationem gentium. Ergò quod agimus, agemus.

Produ-



*Producentur Declamatores & Recita-  
tores hoc ordine:*

Michael Lerche Vratisl. *Christum Salvatorem, quoad  
Personam & Officium comparabit Luci.*

Johannes Langius Cremnitio-Pannon. *Evangelium  
& Evangelii Doctores conferet Lumini:*

Johan-Ernestus ab Haunoldt, } *Recitabunt Hymnum*  
Bogislaus Blacha à Sub/ } *Prudentii in Natalem*  
Magnus-Antonius Göß/ } *Domini:*

Gotofredus Neander Vratisl. *disferet de Illuminatione  
Gentium & earundem ad Christum Conversione:*

Johannes-Fridericus Ellisch Hirschbergensis,

&

Martinus Hancke Vratisl. *Historiam miraculosa illius  
Stella, quæ Magos Gentium Primitias ad Christi  
Cunas perduxit, Carmine Epico Latino exequentur:*

Paulus Hoffman Gurâ-Sil.

Gotofredus Springer Vratisl. } *Recitabunt Hymnum*  
Valentin. Süssenbach Hirsch. } *Prudentii in Epiphan.*  
Balthasar Brückner Vratisl. } *Domini:*

Augustinus Wolff Schuidnic. }

Johannes Georgius Crusius Landshutanus *confirma-  
bit Lumen Evangelii nullis persecutionum tempesta-  
tibus opprimi & extingui posse.*





